



10.aug. 2010

UKA 2010/62

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Aalisakkanik tunitsivinni suliffissuarnilu Pisortanit aningaasaliiffigineqarlutik ingerlanneqartuni tamani tunisassiornermut ataatsimiititaliaqalernissaannik Naalakkersuisut suliniuteqaq-qullugit Inatsisartut aalajangiiffigisassaattut siunnersuut
(Inatsisartunut ilaasortaqaq Aleqa Hammond, Siumut)

Tunngavilersuut:

Sineriassuatsinni illoqarfinni nunaqarfinnilu tamani Namminersortunit aningaasaliiffigineqarlutik ingerlatsiffiusuni aalisakkanik tunitsiviit suliffissuillu sulinerup ingerlalluarnissaa soorunami tamatta soqutigisaraarput.

Pisussaavugullu suliffissuit inuiaqatigiit akileraartarnermikkut aningaasalersueqataaffigisaat inuiaqatigiinnut iluaqutaasumik aningaasaqarnikkullu annertunerpaamik iluaqusiisumik suliffiulluarnissaat anguniassallugu.

Takornartaannegeqaq suliffissuarni tunisassiorfiusuni aammalu tunitsiviusuni suliffigisap matunertigit sulisut angerlarartiinnarneqartarnerat. Sulisuusunut nukillalaarnaannarani aamma suliffissuup tunitsiviullu siunissami suliffigerusussinnaaneranut aamma kajumissaataa ngilluinnarpoq, taammaamat pisariaqarpoq suliffissuup tunitsiviullu ingerlalluarnernerulernissaanut isummersoqataanis-saq aqutissiuinissarlu.

Isumaqarpunga suliffissuarni Namminersortunit ingerlanneqartunit aningaasaliiffigineqartunilu tunisassiornermut ataatsimiititaliornikkut susassareqatigiinneq annertunerusoq aammalu akisussaaqataaneq annertunerusoq anguneqarsinnaasoq, soorlu assersuutigalugu tunisassiornermut ataatsimiititaliap inuttalorsorneqarnerani inuttaritinneqarsinnaasut: Sulisut sinniisaat, tunisassiornermi pisortaq, inuussutissarsiuteqartut kattuffiata sinniisaat, aalisartut piniartullu kattuffiata sinniisaat, kom-munerisap sinniisaat.

Tunisassiornermut ataatsimiititaliaqarnikkut makku iluaqutigineqarsinnaapput:

1. Suliffeqarfiup ingerlatsineranut tunisassiorneratigullu sulisut susassareqatigiittut tamarmik akuutinneqarlutik susassareqatigiinnerulerat.
2. Suliffigisami susasaqartut tunisassiornerup ingerlalluarnernerulernissaanut toqqaannartumik pitsaangorsaataasinnaasunik siunnersuuteqartoqarsinnaanera.
3. Annertusisamik aningaasartuuteqarfiunngitsumik susassareqatigiinneq nukittorsarneqassaaq.

Taamatut siunnersuuteqarninni nunatsinni innuttaasut akileraartarnermikkut suliffissuit aningaasalersueqataaffigisaat suliffissuit tunitsiviillu ataasiakkat tamarmik taamatut tunisassiornermut ataatsimiititaliaqalerneratigit annertuumik susassareqatigiinnermik, oqartussaaqataanermik aammalu sinniisuutitaqartarnermik nukittorsaaqataasinnaanermik ammaanneqassasut neriuppungalu inatsisartogatinnit peqataaffigineqarluni kajumissuseqartoqarumaattoq nunatsinni sulisartuunerup aammalu tunisassiornermi sulinermi atugassiissutitta pitsaanerulernissaannik aammalu sunniuteqataanerulernissaannik aqutissiuusseqataajumaartut.